



## ნატო-ს საპარლამენტო ასამბლეა

საქართველოს პარლამენტის მუდმივმოქმედი დელეგაციის  
შეხვედრა ნატო-ს შტაბ-ბინაში  
ქ. ბრიუსელი, ბელგიის სამეფო  
20 თებერვალი, 2019

## ანგარიში

ანგარიში მოამზადა ნატო-ს საპარლამენტო ასამბლეაში საქართველოს პარლამენტის მუდმივმოქმედი დელეგაციის მდივანმა, თავდაცვისა და უშიშროების კომიტეტის წამყვანმა სპეციალისტმა საერთაშორისო ურთიერთობებში - დავით ლუჭაშვილმა.

28 თებერვალი 2019

## ნატო-ს საპარლამენტო ასამბლეაში საქართველოს პარლამენტის მუდმივმოქმედი დელეგაციის შემადგენლობა

### ძირითადი შემადგენლობა

- ირაკლი სესიაშვილი (დელეგაციის ხელმძღვანელი) - ფრაქცია „ქართული ოცნება“;
- არჩილ თალაკვაძე - ფრაქცია „ქართული ოცნება“;
- გიორგი კანდელაკი - ფრაქცია „ევროპული საქართველო“;
- სოფიო ქაცარავა - ფრაქცია „ქართული ოცნება“;

### სათადარიგო შემადგენლობა

- ირაკლი ბერაია - ფრაქცია „ქართული ოცნება“;
- ცოტნე ზურაბიანი - ფრაქცია „ქართული ოცნება“;
- სერგი კაპანაძე - „მოდრაობა თავისუფლებისათვის-ევროპული საქართველო“;
- ბექა ოდიშარია - ფრაქცია „ქართული ოცნება“.

ნატო-ს საპარლამენტო ასამბლეის 2019 წლის მანძილზე დაგეგმილი ღონისძიებები,  
რომელშიც მონაწილეობას მიიღებს საქართველოს პარლამენტის მუდმივმოქმედი  
დელეგაცია

- ❖ 12-14 აპრილი ასამბლეის ხმელთაშუა და აღმოსავლეთის სპეციალური ჯგუფისა და „როუზ-როს“-ის ერთობლივი სემინარი. ანტალია (თურქეთი რესპუბლიკა);
- ❖ 25-26 აპრილი „როუზ-როს“-ის სემინარი. ბრიუსელი, (ბელგიის სამეფო);
- ❖ 31 მაისი-3 ივნისი ასამბლეის საგაზაფხულო სესია. ბრატისლავა, (სლოვაკეთი);
- ❖ 11-14 ოქტომბერი ასამბლეის წლიური სესია ლონდონი, (დიდი ბრიტანეთი);
- ❖ 13-15 ნოემბერი ასამბლეის გარდამავლობისა და განვითარების ქვეკომიტეტისა და „როუზ-როს“-ის ერთობლივი სემინარი. პრიშტინა, (კოსოვო).

## ანგარიშის მოკლე შინაარსი

- ❖ მიმდინარე წლის 20 თებერვალს, ნატო-ს საპარლამენტო ასამბლეაში საქართველოს პარლამენტის მუდმივმოქმედა დელეგაციამ ქ. ბრიუსელში, ნატო-ს შტაბ-ბინაში, გამართა შეხვედრა.
- ❖ საქართველოს პარლამენტის მუდმივმოქმედი დელეგაციის შემადგენლობა:
  - ირაკლი სესიაშვილი (დელეგაციის ხელმძღვანელი);
  - გიორგი კანდელაკი;
  - სერგი კაპანაძე;
  - ირაკლი ბერაია;
  - ცოტნე ზურაბიანი;
  - დავით ლუჭაშვილი (დელეგაციის მდივანი).
- ❖ განხილული იყო შავი ზღვის უსაფრთხოების საკითხები და რუსეთის ფედერაციის სამხედრო აქტივობები;
- ❖ ბუქარესტის სამიტის გადაწყვეტილების თანახმად, ალიანსის ღია კარის პოლიტიკა ისევ ძალაშია;
- ❖ 2019 წელი იქნება აქტიური წელი ნატო-საქართველოს ურთიერთობების კუთხით.

## ანგარიში

1. მიმდინარე წლის 20 თებერვალს, ქ. ბრიუსელში (ბელგიის სამეფო) ნატო-ს შტაბბინაში საქართველოს პარლამენტის მუდმივმოქმედა დელეგაციამ ნატო-ს საპარლამენტო ასამბლეაში, ნატო-ს წარმომადგენლებთან და ასამბლეის ბიუროს წევრებთან გამართა შეხვედრები. კერძოდ, საპარლამენტო დელეგაცია, ვიზიტის ფარგლებში ნატო-ს გენერალური მდივნის მოადგილეს როუზ გოტემოლერს შეხვდა. შეხვედრები ასევე, გაიმართა, ამერიკელ კონგრესმენებთან, ალიანსის წევრი სახელმწიფოს კანონმდებლებთან და ნატო-ში წევრი ქვეყნების მისიების ხელმძღვანელ პირებთან. საქართველოს საპარლამენტო დელეგაციას შემადგენლობაში იმყოფებოდნენ: ირკალი სესიაშვილი (დელეგაციის ხელმძღვანელი), გიორგი კანდელაკი, ირკალი ბერაია, სერგი კაპანაძე და ცოტნე ზურაბიანი.
2. შეხვედრის ფარგლებში განხილული იყო ისეთი საკითხები, როგორებიცაა შავი ზღვის უსაფრთხოების გამოწვევები, საქართველოს ალიანსში გაწევრიანება და ალიანსის ღია კარის პოლიტიკა, რუსეთის მიერ ოკუპირებული საქართველოს ტერიტორიები, საქართველოს მიერ განხორციელებული და დაგეგმილი რეფორმები, საქართველოსა და ნატო-ს თანამშრომლობის ფორმატები.
3. აღსანიშნავია, რომ ნატო-ს გენერალური მდივნის მოადგილემ როუზ გოტემოლერმა, შეხვედრის დასაწყისში აღნიშნა, რომ მარტის თვეში, იგეგმება ნატო-ს გენერალური მდივნის ოფიციალური ვიზიტი საქართველოში (სავარაუდოდ 25 მარტს), ასევე, მიმდინარე წლის მეორე ნახევარში ჩრდილოატლანტიკური საბჭო ეწვევა საქართველოს.
4. დისკუსიის ფარგლებში, ნატო-ს გენერალური მდივნის მოადგილე გამოეხმაურა იმ პროგრესს რომელსაც საქართველომ ნატო-სთან ურთიერთობებში მიაღწია. კერძოდ, მან ხაზგასმით აღნიშნა ნატო-ს საქართველოს წვრთნისა და შეფასების ცენტრის (JTEC) ეფექტური საქმიანობა, რაც სტრატეგიულად მნიშვნელოვანი იქნება ქვეყნის ალიანსში გასაწევრიანებლად. ასევე, როუზ გოტემოლერი, შავ ზღვაში უსაფრთხოების არსებულ გამოწვევებს შეეხო და დასძინა, რომ რუსეთის ფედერაციის სამხედრო აქტივობა სერიოზულ საფრთხეს წარმოადგენს რეგიონის ქვეყნებისათვის. შესაბამისად, იგეგმება წვრთნისა და მომზადების ამერიკული მისის საქართველოში გამოგზავნა, რომელიც ქართულ მახრეს შავ ზღვაზე სამხედრო და სამაშველო ოპერაციების განხორციელებაში დაეხმარება.

5. დელეგაციის წევრებმა დეტალური ინფორმაცია მიაწოდეს რუსეთის მიერ ოკუპირებულ ტერიტორიებზე არსებულ ვითარებაზე და მოუწოდეს ალიანსს, ნატო-ს წევრი სახელმწიფოების შეხვედრების დღის წესრიგში, საქართველოს საკითხის უფრო აქტიურად განხილულიყო, განსაკუთრებით ნატო-ს დაარსების 70 წლისთავისადმი დაგეგმილ შეხვედრაზე.
6. ასევე, შეხვედრა შედგა საქართველოს საკითხებზე მომუშავე ნატო-ს წარმომადგენლებთან, სადაც, ნატო-საქართველოს ურთიერთთანამშრომლობის ტექნიკურ ასპექტებზე ისაუბრეს. კერძოდ, დისკუსიის ფარგლებში მხარეებმა განიხილეს საქართველოს ყოველწლიური სამოქმედო გეგმა, ალიანსის ღია კარის პოლიტიკა და ნატო-საქართველოს პოლიტიკური დიალოგის ასპექტები.
7. შეხვედრაზე ნატო-ს წარმომადგენლებმა ცალსახად აღნიშნეს, რომ რეფორმების კუთხით, საქართველო, რეგიონში ლიდერ სახელმწიფოთაა აღიარებული და ქვეყნის ალიანსში გასაწევრიანებლად საჭიროა უფრო პრაქტიკული მექანიზმების ამოქმედება. ასევე, აღინიშნა, რომ საქართველოს ყოველწლიური სამოქმედო გეგმის დოკუმენტს საჯარო ან ნახევრად საჯარო სტატუსის მინიჭება.
8. ტექნიკურ საკითხებზე საუბრისას, დელეგაციის წევრებმა საქართველოს პარლამენტის განახლებულ რეგლამენტზე ისაუბრეს, რომელიც, უფრო ფართო და ეფექტური ზედამხედველობის მექანიზმების პრაქტიკაში გამოყენებას შეუწყობს ხელს, რაც, ასევე, თავდაცვისა და უსაფრთხოების სფეროზე და ზოგადად მთავრობაზე საპარლამენტო კონტროლის გაძლიერებას უზრუნველყოფს.
9. შეხვედრები, ასევე შედგა ნატო-ში ესტონეთის, თურქეთის და იტალიის ელჩების მოადგილეებთან, რომლებმაც, საქართველოს ტერიტორიულ მთლიანობას დაუჭირეს მხარი და დაგმეს რუსეთის მიერ საქართველოს ტერიტორიების ოკუპაცია. ამასთანვე, ელჩების მოადგილეებმა, საქართველოს ალიანსში გაწევრიანებას კიდევ ერთხელ დაუჭირეს მხარი.
10. ვიზიტის ფარგლებში, დელეგაცია შეხვდა ასამბლეის ბიუროს წევრებს, რომელშიც შედიოდნენ აშშ-ს კონგრესის ოთხი კონგრესმენი. უნდა აღინიშნოს კონგრესმენ ტორნერის (ასამბლეის ყოფილი პრეზიდენტი) მიერ შეხვედრაზე გაკეთებული განცხადება, რომელიც ჩრდილოეთ მაკედონიის

რესპუბლიკას შეეხებოდა. კონგრესმენმა აღნიშნა, რომ მაკედონიის ალიანსის წევრობისაც არავის სჯეროდა, მაგრამ ქვეყანამ თავისი მიზნის მისაღწევად ყველაფერი გააკეთა. ყოველივე ეს იმის მანიშნებელია, რომ ალიანსი ინარჩუნებს ღია კარის პოლიტიკას და ბუქარესტის სამიტის გადაწყვეტილება საქართველოს მიმართ ისევ ძალაშია. კონგრესმენები ასევე დაინტერესდნენ ანაკლიის პორტის მშენებლობის პროცესით და რუსეთის მიერ ოკუპირებულ საქართველოს რეგიონებში არსებული ვითარებით.